



PARTORDING NI PARMINGGUON

**DI PESTA PASKAH PADUAHON
PARNINGOTAN ARI HAHEHEON NI TUHAN JESUS**

 Ev: 1 Korint 15 : 19 - 26

 Ep: Psalmen 118 : 13 – 18

TOPIK :

MANGOLU PAJOJOR PAMBAHENAN NI JAHOWA



HURIA KRISTEN BATAK PROTESTAN

SENIN, 21 APRIL 2025

1. MARENDE BE HKBP No. 90 : 1 - 3
“SAI TAPUJI DEBATANTA”

*Sai tapuji Debatanta Ale hajolmaon i
Ai naung hehe do Tuhanta Sian hamatean i
Dipasidung Jesus i UlaonNa sasude
Patupahon haluaon Di saluhut hajolmaon*

*Anggo utang ni dosangku Digarari Jesus i
I do haporseaonku Di na tinaonNa i
Nunga tulus patik i Nunga mintop rimas i
Di na hehe i Ibana Ro di au hangoluanNa
(Jongjong)*

*Ia ho banuatoru Nunga harhar talimi
Ai dung hehe na gumogo Loha do hurunganmi
Surgo i tarungkap do Dung ditaban Jesus ho
Gabe tu hangoluanNa Diarahon do donganNa*

2. VOTUM – INTROITUS – TANGIANG : A.IX/B.1 – D.VII.27

U : Marhitehite Goar ni Debata Ama, dohot Goar ni AnakNa Tuhan Jesus Kristus, dohot Goar ni Tondi Parbadia na tumompa langit dohot tano on. Amen. Nunga hehe Tuhan i nunga tutu hehe Ibana. Ari on do najinadihon ni Jahowa,marolop olop jala marlas ni roha ma hita disi. Batu naung binolonghon ni angka pande bagas, ima gabe batu parsuhi. Pinamasa ni Jahowa do i, halongangan do i anggo dimatanta. Haleluya !

H : (Mangendehon): Haleluya, Haleluya, Haleluya.

U : Martangiang ma hita! Ale Tuhan Debata suru ma Tondi Parbadia tu rohanami, asa tarapul situtu rohanami marhite hite haheheon ni anakMu , Tuhan Jesus Kristus, jala asa lam ganda haporseaon nami marhitehite panghirimon namangolu, asa tongtong hu ingot hami, na hehe do hami muse sian namate songon Tuhan Jesus Kristus Tuhan nami naung hehe sian na mate i. Amen **(Hundul)**

3. MARENDE BE No. 89 : 1 + 3 “ATE DIDIA SOROPMI”

Ate di dia soropmi Nuaeng, o hamatean?

Di dia hamonanganmi Nuaeng banuatoru?

Na talu do hamu sude Na talu do sibolis pe

Ai ditaluhon Jesus

Mangolu do naung mate i Hurungan dilohahon

Dirante do musuna i Tabanna diarahon

Tung ise na mangate be Mangalo ulubalang i

Na so tarbaen so monang?

4. P A T I K :

U : Tatangihon ma Patik ni Debata di Pesta Paskah paduahon on, i ma na tarsurat di **Johannes 11 : 25**, Dung i ninna Jesus ma mandok ibana: Ahu do haheheon dohot hangoluan; na mangolu do na porsea di Ahu, nang pe mate ibana!

Ido sahatna. Antong, rap mangido gogo ma hita sian Tuhan Debata!

U+H : Ale Tuhan Debata, sai pargogoi ma hami manguhahon na hombar tu PatikMi. Amen

5. KOOR :

6. MARENDE BE No. 182 : 1 - 2

“TU JOLOM O DEBATANGKU”

Tu joloM o Debatangku Sai use do rohangkon

Sai pasiat tangianghu Dohot iluilungkon

Husolsoli do rohangku Na gok dosa i tongtong

Ai godang ariaringku Na hubahen ambolong

7. TANGIANG MANOPOTI DOSA : B. 3 – C. 4

U : Tatopotu ma dosanta martangiang ma hita! Ale Tuhan Debata Ama ni Tuhannami Jesus Kristus , Ho do Debata pargogo

nasohatudosan, sitompa nasa na adong, paruhum natigor, namanguhumi jolma manisias ! Na ro do hami tu joloM manopoti dosanami, angka na hu ula hami marhite hite sian pangalaosionnami dipatikMu, ima marhite sian tubutubu ni rohanami na roa i, nang sian panghataionnami na so ture, ro di pangoloion ni rohanami di hisaphisap ni rohamanami. Na tama situtu do hona uhum hami ala ni dosanami i, alai na tarsolsol bagi do hami nuaeng ala ni i. Asi ma rohaM di hami ale Debatanami. Pardengganbasa jala parasi roha do Ho ala anak haholongan ni rohaM, Tuhan Jesus Kristus Tuhannami. Sai sesa ma dosanami saluhutna, jala suru ma Tondi Parbadia tu rohanami be, asa tarbahen hami mangoloi Ho dibagasan hatigoran dohot habadiaon, gabe sahat hami tu hangoluan na so ra suda, napinarbagabagaM di angka naporsea di AnakMu, Tuhan Jesus Kristus, Tuhannami. Amen

Laos Tabege ma bagabaga ni Debata taringot tu hasesaan ni dosanta: Songon on do panghaholongi ni Debata di portibion pola do Anakna nasasada i dilehon, asa unang mago ganup naporsea di Ibana, asa hangoluan nasaleleng ni lelengna di Ibana. Hasangapon ma di Debata na di ginjang !

U + H : Amen

(Hundul)

8. KOOR :

9. MARENDE BE HKBP No. 624

“HALELUYA HALELUYA”

*Haleluya, Haleluya nunga hehe Tuhanta i
Haleluya, Haleluya puji goarNa i
Jesus Sigomgom tano on
Tuhan ni sandok portibi on
Haleluya, Haleluya nunga hehe Tuhanta i
Haleluya, Haleluya puji goarNa i*

*Boan barita na uli tu saluhut na tinompa i
Haleluya, Haleluya nunga hehe Tuhanta i
Haleluya, Haleluya puji goarNa i*

10. E P I S T E L:

U : Tangihon hamu (Tatangihon) ma Hata ni Debata turpuk Epistel di Pesta Paska na paduahon on, tarsurat di 1 Korint 15 : 19 - 26 : Molo holan di parngoluon saonari on do tahlala marlaba haporseaotta taringot tu Kristus i, hita ma na undangol* sian sude jolma.

H Alai, saonari nungnga dipahehe Kristus sian na mate jala ibana do na parjolo dipahehe* sian sude halak na mate.

U Ai songon hamatean i na ro sian sahalak jolma,+ suang songon i do haheheon ni halak na mate ro do i sian sahalak jolma.

H Ai sude do jolma mate alani si Adam,+ suang songon i ma sude do jolma mulak mangolu alani Kristus.

U Alai dipahehe do ganup halak mangihutton urutanna: Kristus ma na parjolo, dung i dipahehe ma akka halak appuna ni Kristus i saleleng di ari harorona.

H Dung i di ujungna, pasahatonna ma Harajaon i tu Debata Ama i. Ulahononna ma i dung diripasson sude pamarettaon, sude na marhuaso, dohot sude na marhagoon.

U Ai ikkon mamaretta do ibana gabe raja paima dibahen Debata sude musuna gabe sidege-degean ni patna.

H Jala musu na parpudi na lao ditaluhon, i ma hamatean.

U : *I do sahatna. Martua do angka na tumangihon Hata ni Debata jala na umpeopsa. Amen.*

11. KOOR :

12.MARENDE BE HKBP No. 93 : 1 + 4

“PESTA PASKA HATUAON”

Pesta Paska hatuaon Pesta Paska haluaon

Sian hamatean i Sian hamatean i

Tuhan Jesus do pasuang

Hangoluan, Hasonangan Tu saluhut jolma i

*Sai tapuji ma Tuhanta Na pabongot tu rohanta
Roha pangkirimon i Roha pangkirimon i
Ia mate pe donganta
Sogot ingkon idaonta Saluhut di Surgo i*

13. MANGHATINDANGHON HAPORSEASON:

U : Tahatindanghon ma haporseaonta i, songon na hinatindanghon ni
donganta sahaporseaon di sandok portibi on. Rap ma hita mandok:

H : Ahu Porsea di Debata Jahowa..... d.u.

14. KOOR

15. SUNGGUL SUNGGUL

16. KOOR

17. MARENDE BE HKBP No. 633 : 1...

“NUNGA HEHE KRISTUS I (*Pelean Ia, Ib*)

*Nunga hehe Kristus i, halleluya
Sian hamatean i, halleluya
Parlangitan jouhon ma, halleluya.
Tano on alusi ma halleluya.*

*Singkop panghophopNa i, Halleluya
Gok hamonanganNa i, Halleluya
Sondang haluaon i, Halleluya.
Patiur dalanta i, Halleluya.*

---musik---

*Tartaban naroko i, Halleluya
Di baen Tuhan Jesus i, Halleluya
Nunga mungkap surgo i, Halleluya
Di na tinobusNa i, Halleluya*

18. J A M I T A: Psalmen 118 : 13 – 18

**19. MARENDE BE. HKBP No. 626 : 1...
“HOLOM TANOMAN I (Pelean II)**

*Holom tanoman i peak Tuhanta
Tompu manogot i mansai torang
Monang do Tuhanta i, nunga talu hamatean i
Nunga talu sibolis pangago i
Dipatunduk salelengleleng na i
Monang do Tuhan i, nunga hehe Kristus i*

*Ndang adong guna ni batu nang sahap
Nang pe sai dijagai tanoman i
Monang do Tuhanta i, nunga talu hamatean i
Nunga talu sibolis pangago i
Dipatunduk salelengleleng na i
Monang do Tuhan i, nunga hehe Kristus i*

---- musik-----

*Talu sibolis i, nang hamatean
Dibahen Jesus i, Kristus Tuhan
Monang do Tuhanta i, nunga talu hamatean i
Nunga talu sibolis pangago i
Dipatunduk salelengleleng na i
Monang do Tuhan i, nunga hehe Kristus i*

20. Tangiang Pelean (Agenda HKBP)

SELAMAT PASKAH